

Die Mondartliehr'

Mondartwörder zo erhalle,
die ons Modder einst geschwätzt,
dodrahn fend mer heit Gefalle,
Platt wierd widder huhgeschätzt.

Warom - brauch mer net zo froche -
je moderner es die Zeit,
desto mie gieht mer dat soche,
wat beim „ahle Eise“ leit.

Oft noch denk ich an die Johre,
als die Plattschwätzer am Ort,
net salongfähisch mie wore,
drom ging onner manijes Wort.

Kaine Grond sich offzoräje,
wat hei schläft, reeft mer jetzt wach.
Nur e besje iuwerläje -
on dann flubbt die scheene Sach!

Kowelenzer Plattverehrer
mache allerhand Gedeens
froche Ellere on Lehrer:
Macht ihr met? Dat wär wat Scheens!

„Mondartliehr“ die kimmt en Mode!
Dobei hiert dä „Quant“ geweiß,
dat en Stachelbeer - die goode,
hei bei ons en „Grinschel“ es!

Katharina Schaaf

4. 6. 1988 Kath. Schaaf